



Sabtu, 14 Januari 2023

Ogen : Hosea 4: 1-3



Kejahatan Si Ertambah-Tambah



Akibat lanai lit kesetiaan ras hubungan si intim ras Tuhan maka manusia pasti reh dauhna janah ngelakoken kai atena geluna bagi ate-atenana saja. E me si teridah i bas bangsa Israel si nggo menyeleweng arah Tuhan nari ku dibata-dibata si deban ras sura-sura si jahat. Hannah Arrendt sekalak filsuf diberu pernah nuriken kerna banalitas kejahatan si ertina sada situasi ija kejahatan lanai ianggap sada kejahatan tapi sada hal si biasa-biasa saja, sada hal si wajar. Hal enda idatkenna i bas pengamatenna nandangi kalak Jerman biasa, si labo lit pikiren jahat tapi banci berpartisipasi aktif i bas sada tindak kejahatan si brutal, contohna genoside (pemusnahan massal) nandangi kalak Jahudi. Bageme bangsa Israel si mulihken ka ku bas kejahatenna. Kejahaten si mbarenda nari nggo ilakoken bangsa e janah iulihni ka mulihken. Aminna pe kejahatan si ibahanna e eme dosa man Tuhan tapi erkiteken nggo jadi sada kebiasaaan (kecenderungan dominan) maka lalap iulihni ras entabeh iakap guna ngelakokensa. Emaka ngidah sie, maka Tuhan merawa janah kalak Israel mate erkiteken ukumen Tuhan. Lanai terjeng manusia ngenca si ngaloken ukumen Tuhan e tapi pe kena ku kerina tinepa si deban. Kejahaten labo pernah mpereh keselamatan si tuhu-tuhu. Enda keselamatan semu nge ngenca. Mbue kalak erpengakap adi ilakokenna sada hal si jahat maka ia merasa ergegeh ras erkuasa nandangi kalak si nggo ijahatina e. Tapi labo lit kejahatan si terbuniken alu mejile sebab kerina pagi ibukaken Tuhan. Sebab labo lit si terbuni i lebe-lebe Tuhan. Tuhan meteh kerinana. Janah lit pagi masana maka Tuhan ngukum kalak si ngelakoken kejahatan enda guna mbela kalak si ijahati pelaku kejahatan e. Erdandanken sie me kita selaku kalak sitek tetap setia bas ngelakoken si benar, adil, jujur. Sieteh maka Dibata mereken balasen sentudu ras kai sienggo silakoken janah ingetlah terus maka IA me Dibata sierkuasa.